

## Universitätsbibliothek Paderborn

**B. Haymonis, Episcopi Ante DCCC. Circiter Annos  
Halberstadensis, Historiae Ecclesiasticae, Sive De Rervm  
Christianarvm Memoria, Libri X**

**Haimo <Halberstadensis>**

**Helmestadi[i], 1671**

Liber VI.

**urn:nbn:de:hbz:466:1-10968**

D. HAIMONIS  
HISTORIÆ ECCLESIASTICÆ  
LIBER VI.  
CAP. I.

*De morte Commodi, & de regno Severi Imperatoris, sub  
quibus illustres viri martyrizati sunt.*

Igitur, *Commodo* Imperatore tredecim annis functo imperio, & *Aelio Pertinace* post eum solis sex mensibus; *Severus* suscepit principatum. Sed & *Victore* Papa X. annis Episcopatu functo, *Zephyrinus* suscepit sacerdotium. Erant eo tempore plurimi ecclesiastici viri nobiles, & stylo illustres; *Heraclitus*, qui in Apostolum commentatus est, & *Maximus*, qui de famosissima omnium hæreticorum quæstione differuit, *unde sit malū?* Sed & *Candidus* in Hexaemeron, id est, de principio *Genesis* scripsit: *Appius* quoq; Hi, cum quibusdā aliis, hæreses ortas suis temporibus confutant, & maxime hæresin *Pauli Samosateni*, habentis autoritatem à quodam *Artemone*, dicentis: *purum hominem, & absque Deo fuisse Salvatorem*: & mentientis, id ipsum ab Apostolis antiquitus fuisse traditum. Interea *Severo* quoque adversus ecclesiam sæviente, martyres multi efficiuntur, præcipue tamen apud Alexandriam. Quo ex omni Ægypto ac Thebaide, velut in quoddam stadium pietatis, athletæ ducebantur. In quibus & *Leonides*, pater *Origenis*, pro fide Christi capite plexus est, qui teneret adhuc ætatis supra dictum puerum dereliquit.

HAY-

**H**ujus scilicet Origenis vitam, & actus, & dogmata, si quis vult plenius nosse, legat Eusebium, de quo hic transferimus. Qui de eo tanta & talia scribit, quanta & qualia non est dignum huic compendio inferere; maxime cum noverimus, prædictum Eusebium, à quibusdam ecclesiasticis viris aliquantulum notatum fuisse, quod nimius fuerit in laude Origenis. Illud vero de eo breviter enarrabimus, quod etiam orthodoxi quoque, & religiosi viri diffiteri non possunt.

**O**rigenes, Leonidis martyris filius, & ipse fere à pueritia voluntate martyr, & forsitan actu, nisi quia à matre, surripiente noctu vestes ejus, pia fraude præpeditus est, magnam à Deo & manifestam gratiam scientiæ consequitur, potens in Grammatica, & cæteris communibus literis, & in omni Philosophica eruditione apprime institutus. Maxime autem in lectione & doctrina divinorum voluminum, potentissimus illius temporis, & famosissimus indagator. Hic ergo, pro magna & incredibili scientiæ prærogativa, Doctor ecclesiæ apud Alexandriam à Demetrio istius loci Episcopo constituitur, cathedramque doctoris obtinet

net tertius post Pantænum & Clementem; cuius & ipse extitit auditor. Vbi dum verbum Dei palam, tam viros quam fœminas instituens, docet, & occasionem omnis turpis maledicti vult infidelibus excludere, quædam minus perfecti sensus exercet in proprio corpore, sed ferventis fidei, & nimiæ castitatis opera. Nam cum ante omnia præcepta Evangelica & voces Salvatoris observaret, & observari præciperet, illud Evangelicum attendens; quia sunt eunuchi, qui se castaverunt propter regnum Dei; dominicam vocem re atque opere mox in semetipso aggreditur adimplere. Tunc igitur maxime dat operam doctrinæ & prædicationi, quando adversarijs nulla derelicta est obrectandi suspicio. Tunc, ut Apostolus dicit, verbum Dei oportune prædicat, & importune, per diem & per noctem, publice & privatim, in abstinentia plurima, in jejuniis indeficientibus, vigiliis pene jugibus, ita ut, si quando parum aliquid somni naturalis necessitas exigeret, hunc ille non super stratum, quo omnino nullo utebatur, sed super nudi soli dependeret superficiem. Fertur autem, quod ex ejus auditorio plurimi de utroque sexu martyres effecti sunt. Extant ejus ingenii libri multi; inter quos in sacras Scripturas Commentarios edidit sane doctissimos. Item xxx. libros in partem quandam Isaiae Prophetæ commentatur: in Ezechiem quoque viginti & quinque libros, totidemque in Cantica

H

Canti-

Canticorum. Librum etiam de *Martyribus ad Ambrosium* scripsit, tanta & tam districta spiritus virtute, ut ejus sententiis, tanquam validissimis muris, multos ad martyrium stabiliret. Sunt & alia opuscula pene innumerabilia, quæ omnia in hoc compendio enumere non est opus. Sed illud præclarum fertur de eo, quod nunquam permisit ea, quæ in ecclesiis differebat, à notariis excipi, nisi quando jam l. x. ætatis agens annum, multo usu & labore plurimum fiduciæ in verbo Dei acceperat. Iam scilicet, quando in eo erat vitæ gravitas, & maturitas ætatis, & multa experientiæ authoritas. Inter quæ eruditionum suarum studia ne illud quidem omisit Origenes, perscrutari & addiscere Hebrææ linguæ virtutem, ut cognosceret vel ea, quæ à Iudeis leguntur, qualia sint; vel cæterorum interpretum, qui præter lxx interpretati sunt, quanta esset eruditionis diversitas: Ita ut præter istas, quæ in usu sunt, Aquilæ; vel Symmachi, vel Theodosianis, invenerit etiam alias interpretationes, in absconditis & secretis latentes; in quibus nec nomina quædam interpretum reperit scripta. Dicit autem, quod aliam repererit in Actiaco littore, apud Nicopolim, aliam in Hiericho; atque alias in aliis locis. Sed & adversum hæreticos confutandos, tam viva voce, quam librorum discretis disputationibus, elaboravit. Nam & Berillum, Bostræ urbis Arabiae Episcopum, qui dicebat Salvatorem nostrum neque existisse ante carnis nativi-

nativitatem, neque propriam habere divinitatis existentiam, sed hoc solum, quod paterna deitas in eo habitaret; disputando confutavit; & Celsum quendam, Epicureum Philosophum, qui contrarios libros fidei scripserat.

## H A Y M O.

Vnde plurimum admirari non sufficio, quod vir tam illustris, tam aperte rebellans & obvians hæreticis, devolutus sit in notissimam hæresin & errorem, scilicet: quod Seraphin in Esaia Spiritum Sanctum exposuerit, & in alio loco de pœnitentia diaboli scripserit, & de absolutione reproborum post mille annos, & multa alia, quæ orthodoxæ fidei adversantur; maxime cum abstinentissimæ & castissimæ vitæ fuisse referatur, & tam præclaræ doctrinæ, tamque puri & lucidi sermonis.

## H A Y M O.

Ego sane de eo, salva fide patrum dixerim, vel quod hæc omnino non scripserit, sed ab hæreticis, ob præclarum nomen ejus obfuscandum, maligne conficta sint & conscripta, & nomine suo prætitulata; vel, si scripsit, non statuit ex sententia, sed disseruit ex opinione. Nam, ut ipse dicit, Philosophorum & hæreticorum dogmata didicerat, ne ad eos convincendos imparior esset, si ignoraret, quæ apud ipsos erant. Et fortasse cum in aliquibus locis scribendo attingit eorū errores, calumniatus aliquis est, hoc à semetipso dixisse.

xisse. Quod si vero prædictas hæreses, ut placet quibusdam, ex sententia scripsit, valde compatiendum est, tam erudit pectoris viro, qui tantam nobis eruditio copiam ministravit. Cujus vitia, si quæ sunt in scriptis, potest eorum, quæ fideliter scripsit, lumenosus quidam ac cælestis splendor exsuperare. De quo & à patribus dictum est, quia *ubi bene scripsit, nemō melius.* Quod autem erratum est ab Origene, & contra orthodoxam fidem aliquid descriptum, opinor hoc ei accidisse, quod nimio lectionis studio Philosophos est amplexus. Attigerat enim, & omnino assecutus fuerat, secreta *Platonis & Pythagoræ, Zenonisque Stoici, & Cerinthi* volumina, ceterorumq; Philosophorū. Et fortasse, quia nimis est immoratus, & diutius cebit de calice Babylonis inaurato, quodammodo coactus est de ejus fæce in sacram scripturam aliquid effundere. Ex quo valde & vigilanter cavendum est ecclesiasticis viris, ne nimis Philosophicis institutis dent operam, ne forte, cum inebriati fuerint inanibus poculis, & tumidis assertionibus inflati, difficilius retracto pede ad humilitatem Christi revocentur, & tardius fidei nostræ acquiescant, quandoquidem edicti sunt contraria. Nec hoc dicendo artium lectors damnamus, vel artes; nam & ipsæ non inutiliter leguntur, ad profundas quæstiones enodandas, & pertractandas rationes. Quippe ipsa est domina artium, & ei cæteræ ut pedissequæ famulantur. Verum quosdam Schœ-

Scholasticos non mediocriter reprehendimus, qui libris gentilium tam familiariter adhaerent, & totos se immergunt, ut totum pene in eis suæ cursum eruditio-  
nis consumant. Quam honestius erat ecclesiasticæ  
intendere disciplinæ! quam rectius & facilius Sacræ  
Scripturæ libros addiscere! Quibus legēndis si da-  
rent operam, paucioribus certe temporis spatiis  
totam in se Bibliam transfunderent, quam omnes  
illas frivolas, & penè inutiles scientiolas, qui-  
bus occupantur. Sed ecce dum nimis Origeni in-  
tendimus, & ejus occasione hunc facimus excursum,  
contra legem compendii, pene cæterorum, qui per  
idem tempus fuerunt, & verbo & exemplo juverunt  
ecclesiam, oblii sumus. Vnde nunc ad narrationis  
ordinem revertamur. *Severus regnat annis xix.*

## C A P. I V.

*De Alexandro, Episcopo Hierosolymorum.*

Itaque, *Severo Imperatore xix. annis functo impe-  
rio, & tunc tradito filio ejus, Alexander quidam, de  
quo ante memoravimus, confessionis titulo satis cla-  
rus, Hierosolymorum Ecclesiæ subrogatur Episco-  
pus; cum forte, ex gente Cappodocum, ubi erat præ-  
claræ urbis Episcopus, Hierosolymam orandi gratia  
advenisset, & omnibus divino oraculo innotuisset,  
tali voce cœlitus emissa; Suscipite Episcopum, qui vobis  
& Deo destinatus est!* Captus ergo, non sinitur ad pro-  
prium Episcopatum reverti, sed ibidem residere co-  
gitur;

gitur; cum tamen adhuc superesset prædictus ejusdem loci Episcopus *Narcissus*, sed fessus senio, pontificali ministerio sufficere non potens. Interea *Serapion* quoque, Antiochiæ Episcopus, vir magnæ eruditio-  
nis, cuius multa habentur opuscula, defungitur; cui succedit *Asclepiades*, & ipse unus ex præclaro numero Confessorum. *Antoninus* regnat vii. annis & sex men-  
sibus.

## C A P. V.

*De Zephyrino, Calisto, &c. Romanis Pontificibus.*

**S**ed & *Antoninus* Imperator diem obiit, cui succedit *Macrinus*. Quo in brevi consummato, id est, post annum; successit alius *Antoninus*. Cujus primo imperii anno *Zephyrinus*, Romanus pontifex, dum obiit, *Calistus* succedit, qui sedit annis octo; quo etiam finem faciente, præsidet *Urbanus*, qui & ipse post VIII. annos, sedem reliquit *Pontiano*. Sed & *Antonino*, quatuor annis functo imperio, succedit *Alexander*.

## C A P. VI.

*De Epistolis facundis patrum, depositis in Bibliotheca Hierosolymorum.*

## H A Y M O.

**P**er idem tempus florent in ecclesia disertissimi viri, quorum Epistolas, quas ad se invicem dabant, tam facundas, quam fœcundas, *Alexander*, venerabilis Hierosolymorum Episcopus, in Bibliotheca Hierosolymorum, quam & ipse multo labore & sumptibus

ad

ad posterorum utilitatem construxerat, facit diligenter reponi.

## H A Y M O.

Agimus gratias tantæ Patrum diligentia, quorum circa sacras scripturas tam ferventissima occupatio, & tam jugis solicitude fuit, ut non solum scriberent libros, vel explanarent, sed etiam scripta quorumlibet virorum illustrium divinitus inspirata, multis laboribus, multis quoq; expensis, manibus notariorum sibi coacervarent, ad profectum universalis ecclesiæ. Hæc ergo mercimonia preciosa, hic verus exstitit thesaurus, comparare sibi scripta majorum, & completere Bibliothecam, aggregare libros in Archivis templorum magis, quam nummos in arca. Audiant hujus temporis Ecclesiasticæ personæ, & rubore confundantur, quia à vestigiis Patrum tam impudenter, & imprudenter recesserunt; quod servi facti sunt ancillarum, ambitionis, & pecunia: Et qui potuerunt sublimes scripturas indagare, fortassis facilis, quam maiores nostri, cum illorum diligentia exemplaribus copiosius abundant; proh pudor! nunc ad infima rerum & contemptibilia, ad civiles causas & loculos convertuntur. Sed hæc hactenus. In illis diebus *Hippolytus Episcopus*, multorum conditor opusculorum, inter cætera sua libellum de *Pascha* edidit; in quo etiam temporum Canonem & descriptionem quandam pulchra ratione depingit.

BEDA.

Hic decemnovenalem circulum Paschæ reperiens, dedit occasionem *Eusebio*; qui de eodem decemnovenali circulo tractatum composuit. *Alexander* regnat xix. annis.

## C A P. VII.

*De persecutione Maximini Cæsaris adversus Christianos.*  
**I**nterea *Alexandro* Imperatore defuncto; *Maximinus Cæsar* succedit. Iste primus ex militari corpore, absque decreto Senatus, Imperator efficitur. Qui, dum odio fertur aduersus prædecessoris sui *Alexandri* domum, & matrem ejus *Mammæam*, pro eo maxime, quod Christiana erat; & *Origenem* presbyterum, quem Romam accitum & honorifice habitum ipsa audierat: qui tunc non solum *Alexandriæ*, sed toto orbe clarus habebatur; Hac, inquam, occasione persecutionem commovet per ecclesias, maxime aduersus Doctores ecclesiarum. *Maximinus* regnat tribus annis.

## C A P. IIX.

*De morte Maximini Cæsaris & successione Gordiani.*  
**S**ed per Dei providentiam in brevi consummatus, simul finem vitæ & persecutionis facit. Post quem imperat *Gordianus*.

## C A P. IX.

*De Pontiano & Fabiano Romanis Pontificibus.*  
**P**ontiano vero Romano Pontifice tunc finem faciente, succedit *Antherus*. Qui cum non amplius quam

mensc.

mense uno ministrasset, sacerdotium reliquit *Fabiano*.  
Hic testimonio Spiritus Sancti in specie columbae su-  
per caput ejus descendente, Episcopus ordinatur;  
quod alii de eo, alii de *Zephyrino* Episcopo, factum fu-  
isse tradunt.

## C A P. X.

*De Africano Scriptore.*

**P**er idem tempus *Africanus* inter Scriptores ecclesia-  
sticos nobilis habetur. Hic multos scribit libros &  
epistolas; inter quos Matthæi & Lucæ, in generatione  
Christi, evidentissime ostendit consonantiam, & Chro-  
nicam ipse componit. *Gordianus* imperat sex annis.

## C A P. XI.

*De Philippo primo Imperatore Christiano.*

**I**nterea *Gordiano* Imperatore finem faciente, *Philip-*  
*puscum* *Philippo* filio suo succedit. Hic primus omni-  
um Imperatorum Christianus fuit. Cui volenti inter-  
esse Vigiliis Paschæ, & communicare mysteriis, resti-  
tit *Fabianus* Papa, nec permisit, donec confiteretur  
peccata sua, & staret inter poenitentes. Hic post ter-  
tium sui imperii annum, cum millesimus à conditio-  
ne Romæ annus esset expletus, magnificis ludis cele-  
brat Vrbis natalem.

## C A P. XII.

*De persecutione Christianorum per Decium Imperatorem,*  
*& de Anthonio monacho.*

**P**ost hunc *Decius* succedit. Hic cum Philippos, pa-

I

trem

trem & filium, interfecisset, & ob odium eorum infestus esset Christianis, persecutionem movet ecclesiis. In qua *Fabianus* in urbe Roma martyrio coronatur, *Cornelio* succedente, qui & ipse resolvitur martyrio. In Hierosolymis quoque *Alexander Episcopus*, vir eruditissimus pro Christi confessione, post longævitæ vitæ venerandam canitiem, post multos cruciatus & vincula, inter ipsa vi- cißim sibi succendentia tormenta deficit.

## B E D A.

Tunc sanctus *Anthonus* monachus Ægypto dicitur exortus. Interea sub *Decio* persecutio Christianis illata vehementer exarsit, & innumerabiles sancti de utroque sexu, maxime apud Alexandriam, agones desudant; ita ut crederes prima persecutionum tempora renovari; de quibus *Dionysius* Alexandrinus Episcopus in Epistolis suis ad *Fabianum* Episcopum plenissime refert. Qui & ipse *Dionysius* postmodum capit is ple- citur sententia.

## C A P. XIII.

*De Novato presbytero, heretico.*

**S**ed quia in arca Domini etiam paleæ erant cum tritico, aliquanti tunc ad primam judicis faciem Christum negant, ad aras prosiliunt, timentes magis bonorum temporalium direptionem, quam summum bonum amantes. De quibus prædixerat Dominus, quod qui pecuniam amant, haud difficile labantur. Cornelius cum sedebet, *Novatus*, Cypriani Episcopi presbyter, exsurgit. Hic à ju-

à juventute spiritu immundo vexatus, cum tempus aliquantum apud exorcistas consumpsisset, ægritudinem incurrit gravem, ita ut desperaret. Vnde & jacens in lecto pro necessitate aqua perfusus est, nec reliqua in eo, quæ in baptisatis solent, solenniter ad impleta sunt: unde & Spiritum Sanctum nunquam potuit promereri. Hic Romanum veniens, elatione tumidus, spem salutis penitus, et iam si digne poenituisserent, novo dogmate conatur lapsis adimere. Ex quo & princeps efficitur hæreticorum Novatianorum, qui ab ecclesia separati, novo nomine, Catharos, id est mundos se appellaverunt. Ob quam rem concilium sacerdotale celeberrimum in urbe Roma congregatur; cuius acta concilij sequens libellus explicabit.

